

## Мушрикка силаи раҳм қилиш керакми?



14:15 / 31.10.2025 993

Қариндошлар ичида бўлиши мумкин бўлган тоифалардан бири – мушрик тоифаси ҳақида сўз юритамиз. Мушрик қариндошга силаи раҳм қилиш керакми? Ёки мушриклиги учун ундан қариндошлик алоқалари узиладими?

هُنِّيْبَ وَيُنِّيْبَ نِيْكَرْشُمْلَانِم لُجَّرُ: تَلُقْ اِدِهْ اَجْمُ تَلْ اَسْ: لِقَاقَ نَ اَوْرَمَ نَبْ هَلْ لِدْبَعْ نَعُ  
هُلْ صَو، مَعَن: لِقَاقُ هَلْ هُ عَدَا، لَامْ هُوَ يَلَعَا يَلَو، هُوَ بَارَقُ

*Абдуллоҳ ибн Марвондан ривоят қилинади:*

**«Мужоҳиддан: «Мушриклардан бири билан менинг қариндошлигим бор. Зиммасида молим бор. Уни кечиб юборсам бўладими?» деб сўрадим.**

**«Ҳа. Унга силаи раҳм ҳам қил», деди».**

Мужоҳид катта тобеъинлардан ва энг улкан уламолардан бўлган. Мужоҳид розияллоҳу анҳу жуда кўп илмларда: тафсирда, ҳадисда, фикҳда машҳур олим тобеъинлардан бўлган.

Ровий у кишидан: «Бир мушрик одам бор. Мен у билан қариндошман. У мендан қарздор ва зиммасида менга берадиган мол бор. Ўша молни олмай қўйсам бўлаверадими?» деб сўрабди. Бу саволнинг жавобига Мужоҳид розияллоҳу анҳу: «Ҳа, олмасанг, яхши бўлади. Яна унга силаи раҳм ҳам қилиб тур», дебди.

Мушрик диний ақийда маъносида мусулмоннинг зидди, душмани. Аммо орада қариндошлик бор. Қариндошлик ҳурматидан унга берган қарзини кечиб юборса, яхшилик қилган бўлади. Бунга қўшимча равишда силаи раҳм қилиб туриш ҳам керак экан.

**«Яхшилик ва силаи раҳм» китоби 2-жуз.**

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7613-рақамли хулосаси асосида чоп қилинган.